

書

格古要論序

石鼓無聲非張華不能扣紫珠
有識非竇儀不能知故知博古
博物君子所當務雲間曹明仲
世為吳下簪纓舊族博雅好古
允世之一事一物莫不究其理



明其原而是非真偽不能逃其
鑑由其見之廣識之精而講之
素也因讀書之暇閱世之玉石
之難辨紅紫之亂朱遂著為格
古要論以辨釋器物使玉石金
珠琴書圖畫古器異材莫不明

其出處表其指收而真偽之分
了然在目凡詐偽苦窳之器不
能眩惑求售可謂有益於世矣
予竊觀而愛之頗為增校訂其
次第叙其篇端亦可謂格物致
知之一助也君子觀之更能以

辨物之玉石辨人之玉石使不
和心泣宋愚免笑庶有以發明
於世豈小補哉

雲間舒敏志學序

格古要論序

先子真隱處士平生好古博雅
素蓄古濶書名畫古珽蘿研彛
鼎尊壺以屬置以空閣以為珍
玩其唐以者往來尤多予自幼
性失嗜以侍於先子以側凡見

式物又遍閱圖譜究其來歷格
其優劣別其是非而後已迄今
走尤弗怠特患其弗精百嘗見
近世纨绔子弟習濟事古者夾
有以惜其心雖蔽而自未以識
矣因取古銅器書簿異物分其

高下謂其真贋正其畧略書而
成編析門分類目以白格古叟
論以不徒以好事者然其間或
有課誤尚冀予識君子率而正
之
洪武廿壘辛戌辰暮三月望日

靈間書昭明仲書于澳上以寶
古壘

凡例

一格古要論一書舊刻歲久損壞今博訪初本以補其闕亡初本所無仍從其舊

一舊本文字多有重複今校定刪去之

一舊本中多魯魚亥豕之誤至有以羊為羊者今

加攷正間有不可稽考者姑從之以俟博物君

子焉

新增格古要論凡例

一格古要論初始於雲間曹明仲編校於雲間舒志學是編合舊本二本而錄之亦格物致知之事也

一本得之前欒成侯公子李莊篇目頗多而脫悞殊甚

一本得之同寅主事常孰孫紀篇目畧於前本而脫悞亦多

二本古碑法帖纔二十一條而陝西及各處碑帖則全不及錄

二本古善畫者畧載十二三人今各增入

一二本目錄始末不同佐謂物莫古於琴書在學者所當先務今是正之以琴書列于卷首而以畫次於金石遺文法帖題跋之後云

一舊二本俱分爲五卷今以古琴論爲首卷古墨跡論分爲上下二卷名公題跋以類而入若歐魯二公金石遺文法帖題跋又自爲一卷餘皆仍之而事實則加詳舊本焉

一文房四寶皆儒生日用而不可缺其一者若歐公硯譜則參入七卷古硯論內又作文房論以補

其遺自爲一卷云

一唐宋以來誥勅體式題跋先正書押皆吾儒之所當考究列爲一卷

一傳國王璽功臣鐵券教令服帶紫金魚袋與夫民生耕織之事宋元官殿之制皆不可不知作雜考一卷於其末云

一是編古琴碑帖畫品文房皆參以事林廣記歐陽公硯譜及天臺陶九成書史會要吳興夏士良圖繪寶鑑并佐家藏古碑法帖目錄及所見聞者與夫名賢題跋考究各以類增入于後其續

增者註曰後增其新增者註曰新增或只註增字舊本則不註

一金石環寶器物之類亦各隨所見聞以類增入
一是編自景泰七年丙子夏四月中旬得李孫二公舊本至其秋七月考校增完又至天順三年巴邠夏四月上旬欲命工鋟梓點校始完

新增格古要論凡例 畢

新增格古要論目錄

卷之一

古琴論

斷紋琴

古琴色

製琴法

古琴陰陽材

百納琴

卷之二

古墨跡論上

偽斷紋

古琴樣

此下俱新增

純陽琴

琴桌

唐宋琴

已上俱舊本

焦尾琴

五不彈

格琴要訣

新增

新增

新增

真行草書墨跡 響榻 古墨跡紙色

古紙後增 古帖難辯

古碑法帖

南北碑帖紙墨 蘭亭帖後增

姜堯章蘭亭偏傍考新增

黃晉卿蘭亭五字損本跋增

曾宏父蘭亭始末題識此下俱新增

河南 周府襖圖考 黃晉卿蘭亭圖跋

宋景濂論蕭翼輿蘭亭跋

宋景濂記蘭亭觴味圖 胡儼定武蘭亭跋

胡儼蘭亭諸帖記 王佐蘭亭字考

王佐蘭亭定武本跋

宋克書子昂蘭亭十三跋

戴良定武蘭亭肥瘦一帖

王魯齋默成定武蘭亭記 胡儼蘭亭模本跋

王佐蘭亭襖圖記 戴良跋子昂蘭亭

王子克玉枕蘭亭跋 王子克石鼓臨本跋

楊士奇石鼓文後跋已上十八條俱新增

卷之三

古墨跡論下

古碑法帖

淳化閣帖

王佐淳化閣帖考

新增

王魯齋淳化帖記

新增

絳帖

王佐絳帖考

新增

潭帖

後增

泉帖

汝帖

王佐汝帖考

新增

王佐十七帖考

新增

黃晉卿館本十七帖跋

新增

宋哲宗秘閣續帖

後增

鼎帖

此下五帖俱新增

星鳳樓帖

玉麟堂帖

米芾寶晉齋帖

百一帖

增

利州帖

黔江帖

蔡州帖

彭州帖

武陵帖

東庫本

賜書堂帖

甲秀堂帖

二王帖

在臨江

群玉堂帖

李靖西岳書

新增

壇山石刻

新

千祿書

新

新增陝西諸碑帖

宋鄭文寶翻刻嶧山碑

唐聖教序記

僧懷仁集右軍行書

唐僧智永真草千文

唐張旭草書千文

唐僧懷素三種草書千文

唐李陽冰篆書千文

唐僧懷英篆書千文

夫子廟堂碑

虞世南真書

孔子廟碑

懷英篆

右軍筆陣圖

行草

唐率更皇甫君碑

真書

率更化度寺碑

真書

歐陽通昭仁寺碑

真書

顏真卿多寶寺塔銘

真書

真卿座位帖稿

行草

真卿祭臬卿文

行書

真卿祭伯父文

行書

真卿顏氏家廟碑

率更金蘭帖

真書

柳公權玄秘塔銘

懷素藏真帖

遊絲字

懷素聖母帖

草書

率更九成宮醴泉銘

真書

李邕雲麾將軍碑

行書

懷仁書金剛經

集右軍行書

率更虞恭公碑

真書

懷素自序

草書

李邕羽林將軍碑

行書

唐玄宗隸書孝經

漢郭香察華山廟碑

漢隸

玄宗一行禪師塔碑

分

唐僧彦修搗衣篇

草書

唐僧建初三藏塔銘

行書

韓擇木薦福寺碑

分

玄度十八體書

褚遂良臨聖教序

行書

褚遂良臨蘭亭序

真行

唐張頌榮州刺史碑

行書

新增各處碑帖

南京 南直隸

宋李處翻刻嶧山碑

篆

應天府學

唐李陽冰謫卦爻辭

篆

太平蕪湖

梁陶弘景瘞鶴銘

真

元趙子昂度人經

楷

宋蔡杭致廣大十二大字

俱鎮江府

朱頴極敬齋箴

蘇學又詩

子昂言偃詞堂記

常熟

茆山二碑

顏真卿真字張從申行書

句容

御書第一山三大字

鳳陽龍興寺

米芾第一山字

盱眙

詹孟舉千文

寧國府

宋克七姬權厝志

蘇州府陳宗文家

宋克蘭亭十三跋

宋克前出塞詩

宋克與俞仲幾書

鮮學士送任叅政詩

草

已上俱松江府

僧訥老千文

草

靈岩寺

子昂歸去來辭

行

子昂春夜宴桃李園記

崑山

俱蘇州府

子昂千文

鮮于千文

鐵佛鍾銘

俱松江府

寶晉齋帖

無為州學

北京 北直隸

趙子昂臨王右軍小楷樂毅論黃庭經

趙子昂書張平叔金丹四百字

中楷

子昂臨蘭亭定武本

唐僧亞栖草書千文

子昂臨顏魯公行草座位帖藁

俱在北京國子監

北岳恒山碑

蔡邕漢隸蔡有隣唐隸

定州曲陽縣

唐李邕行書雲麾將軍碑

順天府良鄉縣學

石鼓

凡十史籀小篆

有潘迪音訓
在北監大成門上

宣父

蔡邕隸書

在真定府

壇山石刻

史籀篆

在趙州贊皇縣

韓延壽碑

宛平縣

金完懷英隸慶壽寺碑

亡今

蔡邕八分書淳于長夏承碑

廣平府學

山東

李太白大書壯觀二字

在濟寧州城南樓上

李斯王筋篆之罌山石刻

登州府文登縣

李邕行書葉有道碑

趙子昂行書栖霞阡表

孔子廟諸碑

凡二十餘碑

孔子手植檜贊

米芾行書

皇明尊崇孔子并岳瀆祀典碑

詹孟舉真書

秦李斯篆書嶧山碑

翻刻在今鄒縣

又泰山碑

孔子聖賢像贊

在兗州府孔廟

孟子像碑

在鄒縣孟廟西南簷下最古

孔子子思墓石壇上刻文

俱漢隸

在孔林

魏封孔羨宗聖侯碑

曹植文

梁鵠書

伏羲帝堯堯母三廟碑

俱漢隸

在曹縣

周公廟碑

漢隸

孔廟東土中

房定公墓碑

玄齡父

率更真字

章丘縣

齊太公廟碑

汲縣

黃石公廟碑

東河

山西

絳帖

蔡邕隸書郭有道碑

平晉縣

魏并州刺史王垣碑

隸絳州

漢郭林宗墓碑

隸介休

魏穆祚碑

隸介休

堯碑

汾水東原上

河南

汝帖

蔡邕隸書邊韶墓碑

開豐府

鍾繇書魏受禪碑

又上尊師號

俱許州

老子銘

歸德鹿邑縣

遺教經

歸德州

鍾繇墓碑

中牟

漢太尉劉寬碑

隸洛陽縣

洛陽令董宣廟碑

洛陽橋石柱銘

俱洛陽

漢大丘長陳寔壇碑

未城

漢僕射荀公碑

許州

漢橋玄二碑

宋城

比干墓碑

俱衛輝府

桐柏淮源廟碑

漢隸

南陽唐縣

圉令趙君碑

漢隸

南陽縣文廟中

顏母陳夫人碑

真卿書

鄧州

蘭亭序

歸德州

蔡襄真書畫錦堂記

彰德府

周府東書堂法帖

周府臨蘭亭序及流觴曲水圖

浙江

孔門聖賢像贊

仁和

又有五經石刻

趙子昂行書東嶽行宮記

長興

顏真卿書放生池碑

長興

七觀帖

寧波府

蘭亭序修禊圖

山陰

孔子廟碑

李陽冰篆

城隍神碑

吏隱山諸石刻

黃帝祠宇四大字

鼎湖二大字

縉雲縣三大字

縉雲縣學四大字

俱縣令李陽冰篆
七書俱縉雲

觀瀾二大字

驛中

顏真卿射堂記

俱湖州府

赤松山三大字

赤松宮三大字

北山二大字

智者寺

天清地寧四大字

俱李陽冰篆
光孝觀

徐偃王廟碑

隸

已上五書俱金華府

范文正嚴先生祠堂記

桐廬釣臺

鄂武穆王像

杭州廟中

胡安定先生像

湖州書院

江西

趙子昂示子手帖

行

臨江府學

詹孟舉大字千文

一在布政司
一在鄱陽

宋孝宗誠齋二大字

隸

吉水玄潭觀雪
浪閣後壁上

文丞相大魁字 方一丈有贊

進士第一之堂中門壁上

張南軒禮義廉耻四大字碑

俱廬陵縣學隸古

朱子太極圖說

一在南安府學一在撫州府學

天文地理圖

魯國圖

俱撫州府學

朱子上帝臨汝八大字 方一尺

瑞州府學

朱子脫去凡近四大字

吉安府學

朱子明倫堂三大字

鄱陽

元周伯溫四體千文

宋黃山谷書狄梁公碑

九江府彭澤縣

蘇東坡書歐陽子醉翁亭記

行書方四寸府學中

孔顏大小二碑像贊

文廟中俱吉安府

小字真楷考經

吉安府學

陶淵明歸去來辭

在南康府東坡山谷二碑俱行書

子昂行書歸田賦

劉次莊戲魚堂法帖

俱臨江府學

宋歐陽公瀧江阡表

永豐歐鄉

臨本多心經

吉水清涼寺

薛尚功編次歷代鐘鼎銘器法帖

臨江府學

王枕蘭亭

臨江府

戴叔倫遺愛碑

撫州府

月儀帖

臨江府學

湖廣

唐顏真卿真書摩崖碑

永州府祁陽

朱子繫封說辭

常德府學

李邕行書嶽麓寺碑

衡山下

張紫微城南書院四大字

長沙府

松軒乾坤清氣四大字

方五尺

向子廓隸古周子拙賦

道州

朱子太極圖說

報恩寺

一在郴州江畔

顏真卿隸尊銘

崔令問陽華岩銘

唐李嶠碧虛洞三大字

篆

已上俱道州

宋龔穎秀山斗門四大字

篆

常德武

舜子巷義井碑

秦

隨州

羊祐峴山碑

襄陽府

陰符經

淨戒院

武陵法帖

即前朱子繫辭

潭帖

見前

福建

元吳志淳千文

篆

梁蕭子雲出師頌章草

王枕蘭亭

小楷

般若臺三大字

神光寺

朱子光風霽月四大字

翻刻江西白鹿洞本

朱子耕雲釣月四大字

已上俱福州府學

朱子讀書二大字

長樂

朱子容膝及天光雲影四字

雲谷

帝王聖賢將相像

淳化法帖

見前

廣東

漢隸桂陽太守碑

韶州府樂昌縣

東坡韓文公廟碑

真 湖州府韓廟

天厓海角亭碑

廣西

東坡真書羅池廟碑

郴州府柳子廟

蔡邕隸九疑山碑

四川

周公禮殿記

漢隸 城都府

顏真卿于祿字帖

小楷 章川州

古帝王將相畫像

梁武祠堂

三皇至孔門弟畫像并跋

漢魯恭墓前石室

趙子昂千文

大者一尺

小者四寸

詹孟舉千文

方四寸

書法要覽

俱王府

卷之四

金石遺文

韓文公

畫記

柳子厚

觀八駿圖說龍馬圖贊

歐陽公

集古錄序

集古錄跋尾 十條

曾南豐

金石錄跋尾 十四條

戴叔能

黃庭經跋

法帖題跋

朱文公

敘古千文

漁溪拙賦

米元章帖

十七帖

王魯齋

嶧山碑

黃文獻公

嶧山碑

聖賢圖像贊

宋學士

智永千文

王忠文公

黃庭經

解學士

書學傳授

黃伯思

東觀餘論

虞文靖公

題跋十二條

解學士

題跋五條

卷之五

古畫論

畫有六法三品

三病

六要

六長

製作楷模

古今優劣

粉本

賞鑑

唐宋絹

古畫御題

裝褙書畫定式

十條

畫有十二忌

辯古名畫

古畫真跡難存

書畫一法

畫山石皴散

士夫畫

古畫用筆設色

院畫

無名人畫

沒骨畫

名畫無對軸

裝褙畫

見上十條定武

古畫絹色

古畫絹素

後增

畫難題名

後增

御府書畫

題跋畫

古人善畫者

多新增

唐王維

後增

李將軍思訓父子

後增

唐李成

後增

宋郭熙

後增

米元章父子

後增

宋崔白

增

文與可

增

李伯時

後增

郭忠恕

增

董羽

增

蘇東坡

後增

張舜民

增

楊補之

增

從子

陳所翁

增

李唐

後增

馬遠

後增

夏珪

後增

元趙子昂父子

增

李息齋

增

宋錢舜舉

增

元顏輝

增

盛子昭

元陳珪父子

增

王元章

增

張天師

增

蕭月潭

增

李雪菴

增

李如菴

僧雪窓

增

高士安

高克恭

增

卷之六

珠寶論

玉器

玉名 新增

古玉

沙子玉

罐子玉

石類玉

瑪瑙器

纏絲

栢枝瑪瑙

圓塊玉瑪瑙水晶

後增

水晶

玻璃

硝子

貓兒眼睛

碧靛子

馬價珠

南珠

後增

北珠

後增

石榴子

鋪絨線石

金星石

車渠

琥珀

珊瑚樹

蠟子

犀角

黃黑

毛犀

骨篤犀

花羊角

象牙

後增

龍涎

鬼功石

鬼功毬

紅楮牙

鶴頂紅

後增

龜筒

玳瑁

金

後增

紫金

烏金

增

金詐藥

後增

銀

後增

鸚鵡杯

鑛鐵

錠鐵

金剛鑽

天生聖像

玉絡索

古銅論

孫本始此

古銅色

偽古銅

三代器

局器

新銅器

古鑄

古銅款識

古香爐後增

卷之七

古硯論

端溪下岩舊坑石

上岩舊坑新坑石

中岩舊坑新坑石

端硯古論新增

評硯增

硯譜增
十一條

歙溪龍尾石

歙溪羅紋等石

類端石

金星舊坑新坑

銀星舊坑新坑

洮溪硯

萬州金星石

衢硯新增

硯名新增

洗硯法新增

異石論

靈壁石後增

土瑪瑙

紅絲石

竹葉瑪瑙石

雲母石

南陽石

未石後增

川石

英石

試金石後增

湖山石

石琉璃

不灰木石後增

霞石

烏石新增

龜紋石

神龜增

宛山石增

崑山石後增

大湖石增

大湖石記 增

菱谿石記 增

古窰器論

柴窰

汝窰

官窰

董窰

哥哥窰

象窰

高麗窰

大食窰

古定窰

吉州窰 後增

古磁窰

古建窰

古龍泉窰 後增

古饒器 後增

霍器

古無器皿

卷之八

古漆器論

古犀毗

剔紅 後增

堆紅 後增

斂金 後增

攢犀

螺鈿 後增

古錦論

古錦

刻絲作

紵絲作

古錦帳 後增

火浣布

洒海刺

紅普羅

兜羅

西洋剪絨單

西洋布 增

竹布

高麗布

異木論

鷓鴣木

紫檀 後增

烏木 後增

虎班木

駁栢楠 後增

附蒲面葡萄

赤水木

瘦子木 後增

花黎木 後增

鐵力木 增

杉木 後增

染木

樺木 後增

金剛子木

椰子木 後增

檳榔木 增

人面木 增

鞞靺樺皮木 後增

香楠木 增

不灰木 見異石

新增

竹論

竹杖

方竹

湘竹

雪竹

飯兒竹

稷竹

花藤

藤杖

蘄竹

竹簟

竹笛

卷之九 補遺

文房論 新增

硯譜 見前第七卷

評筆

收筆

洗筆

筆卦

筆對

評墨

各處墨

評紙

蜀箋

澄心堂紙

江西西山觀音等紙

廣信紙

常山紙

英山紙

撫州紙

紹興紙

衢州開化紙

印色

法糊

書燈

書窓

收書

收畫

點書調硃法

造雌黃墨法

造硃墨法

葺墨法

卷之十

誥勅題跋

宋朱文公

元黃文獻公晉卿

宋學士景濂

王忠文公子克

蘇太史平仲

胡文穆公光大

楊文貞公士奇

元王魯齋先生

押字

胡祭酒若思

卷之十一

雜考上

玉璽考

鐵券考

卷之十二

雜考中

聖旨教令考

天子親王文武官員服帶考

金玉帶考

金魚考

紫雲樓金帶考

唐紫金魚袋考

賜緋銀魚袋考

宋制服章入銜考

佩金銀牌考

神位金版考

古今祠厲考

卷之十三

雜考下

耕織圖序

宋元宮殿考

新增格古要論目錄畢

新增格古要論卷之一

雲間曹昭

明仲著

雲間舒敏

志學編校

吉水王佐

功載校增

新都黃珙

拱璧甫重校

古琴論

斷紋琴

古琴以斷紋為證不歷數百年其紋不斷然斷紋有

數等類 有蛇腹斷其紋橫截琴面相去或寸許或

寸半一作半寸 有細紋斷如髮千百條 或有背面皆

斷者背一作底

又有梅花斷者其紋如梅花頭此為最古 琴雖古

而有斷紋者不精實脆透 及有病者亦不為奇也

偽斷紋

用琴於冬日内曬或以猛火烘琴極熱以雪罨音奄激

裂之然漆色還新 又有入鷄子白灰内漆後以甌

蒸之懸於燥處自有斷紋此皆偽者

唐宋琴

唐時有雷又張越二家製琴得名其龍池鳳沼間有

舷餘慶悉窪今關聲而不散

宋時置官局製琴其琴俱有定式長短大小如一故

曰官琴但有不如式者俱是野斲宜子細辯之

古琴色

古琴歷年既久漆色一作光盡退其色如烏木此最奇

古也

古琴樣

古琴惟有孔子列子二樣琴合古製 若太平古琴

以一段木為之 近有雲和樣者其樣不一皆非古

製也

製琴法

見事林廣記

新增

造琴之法木用陰陽取其相配以召和也桐木屬陽以爲琴面梓木屬陰以爲琴底面圓象天底方象地長三尺六寸象三百六十日合十三徽以應律呂象十二月中徽爲君以象閏也

帝王世紀曰炎帝作五絃之琴以應五音記曰舜作五絃琴歌南風桓譚新論曰神農氏始削桐爲琴繒絲爲絃又曰周文王武王各加一絃乃爲七絃謂之文絃武絃

焦尾琴

新增

漢吳人有燒桐爨者蔡邕聞火烈聲知其良材請以製琴果有美音而尾猶焦故曰焦尾琴

古琴陰陽材

古琴有陰陽材蓋桐木面日者爲陽背日者爲陰不論新舊桐木置之水上陽必浮陰必沉反覆不易陽材琴日濁而暮清晴濁而雨清

陰材琴日清而暮濁晴清而雨濁此可驗也

或云桐木近寺觀者佳以其日暮受鍾鼓之聲故耳

純陽琴

底面俱用桐木謂之純陽琴古無此製近世爲之取其暮夜陰雨彈之聲不沉然必不能達遠聲亦不實也

琴有五不彈

見廣記

新增

疾風甚雨不彈

塵市不彈

對俗子不彈

不坐

不彈 不衣冠不彈

右五者所以尊聖道而盡琴之理也

百納琴

後增

嘗見一琴是列子樣者其面闊一寸許桐木條以漆膠成斷紋尤多彈之聲如常亦無節病

列子琴

今不可考

佐按桐木是枯桐木最輕近寺觀聞鐘聲者最佳

琴卓

後增

琴卓須用維摩樣高二尺八寸

此樣一有可入漆于卓下可容三

琴長過琴一尺許

卓面用郭公磚最佳

瑪瑙石

南陽石永石尤佳

如用木卓須用堅木厚一寸許

則好再三加灰漆以黑光為妙

佐嘗見郭公磚灰白色中空面上有象眼花紋相傳

云出河南鄭州泥水中者絕佳

多有偽作者要當

辯之 磚長僅五尺闊一尺有餘此磚駕琴撫之有

清聲泠泠可愛

格琴要訣

見廣記

新增

古琴冷而無音者用布囊砂罨候冷易之數次而又作長甌候有風日以甌蒸琴令汗溜取出吹乾其聲

仍舊

琴無新舊常宜置之床上近人氣被中尤佳
琴絃久而不鳴者棚定一處以桑葉拊之鳴亮如初
大凡蓄琴之士不論寒暑不可放置風露中及日色
中止可於無風露陰煖處置之

新增格古要論卷之一 畢

新增格古要論卷之二

雲間曹昭 明仲 著

雲間舒敬 志學 編校

吉水王佐 功載 校增

古墨跡論上

真行草書墨跡

真行草書墨跡之法姜白石書譜論之備矣凡辯古
人墨跡當觀其用筆雖體製飄逸典重不同其法一
也如真書宜逐筆折處看不可全以體製紙色言也

響榻

響榻偽墨跡用紙加於碑帖上向明處以遊絲筆圈却字畫填以濃墨謂之響榻然圈影猶存其字亦無精采

古墨跡紙色

古墨跡紙色必表古而裏新贗作者用古紙浸汁染之則表裏俱透微揭視之乃可見矣

古紙後增

北紙用橫簾造紋必橫其質崧而厚 南紙用豎簾

造其紋亦豎晉二王真跡多是會稽豎紋竹紙 唐

有麻紙其質厚又有硬黃紙其質如漿光澤瑩滑用

以書經故善書者多取其作字 今有二王真跡用

硬黃紙皆唐人放書之也 五代南唐有澄心堂紙

絕佳 宋有澄心堂紙觀音紙匹紙長三丈又有綵

色粉牋其色光滑蘇東坡黃山谷多用之作字 元

有綵色粉牋蠟牋綵色黃牋花牋羅紋牋皆出紹興

又有白籙紙觀音紙清江紙皆出江西趙松雪子昂

夔子山張伯雨鮮于樞伯機書多用此紙 又有倭

紙出倭國以蚕蠶爲之細白光滑之甚

皇明內用紙如前元但江西西山紙最高 佐見高

麗蠶紙細白光滑又勝於倭紙厚又加倍咨禮部咨

文可見

古帖難辯

唐蕭誠偽為古帖示李邕曰此右軍真跡也邕忻然曰是真物誠以實告邕復視曰細看亦未能好疑作辯以此論之古人墨跡未易辯也

古碑法帖

南北碑紙墨

北墨多用松烟色青 北紙橫紋其質鬆厚不甚染墨拂之如薄雲過青天凡北碑皆然不用油蠟 南碑用油烟墨上色純黑用油蠟打碑文膾墨皆倣此

蘭亭帖

後增

蘭亭帖世有定武本為第一金陵清涼本為第二其定武本薛珣作帥別刻石易去宋宣和間於薛珣家取入禁中建炎南渡不知存亡 清涼本洪武初因寺廢入官其石留天界寺住持僧金西白盜去後事覺其僧繫獄死石亦不知存亡

宋姜夔堯章蘭亭偏傍考

潘陽人 新增

永字無畫發筆處微轉折

和字口下橫筆稍出

年字懸筆上湊頂

在字左人反剔

歲字有點在山之下戈口之右

事字脚斜拂不挑

流字內乙字處就回筆不是點 殊字挑脚帶橫

是字下足三轉不斷 趣字波畧反捲向上

欣字欠右一筆作草草發筆之狀不是捺

抱字已開口 死生六六字是四點

興感感字戈邊是直作一筆不是一點

未嘗不不字反挑脚處有一闕

右法如此甚多畧舉其大槩持此法亦可以觀天

下之蘭亭矣

五字損本者湍流帶右天五字有損也

已上俱見書史會要

跋蘭亭五字損本

新增

元黃文獻公

宋景定咸淳間賈氏似道枋國定武舊刻流落人間

皆以甚不以資其清玩嘗俾其客寮寺丞 叅校諸

本異同擇其字之尤精善者輯成一帖命發之良工

王用和刻之經年乃就尋補用和勇爵以酌其勞其

石後歸京師今在故執政吳公家 此本有悅生堂

印必嘗備選擇者可寶也金華黃潛晉卿跋

唐太宗得蘭亭真本始末及定武翻刻石本

新增

廬陵曾宏父

永和九年暮春王右軍與親友四十二人脩禊于蘭

亭揮毫製序興樂而書適媚勁健謂有神助醒後連

日再書數十百紙終不能及右軍自環愛之祕藏於家七傳而至智永子徽之派也舍俗為僧居越之永欣寺以其手臨真草千文八百餘本散施浙東諸寺蘭亭序則以授弟子辨才俗性表梁司空昂之玄孫辨才寶愛此帖藏之寢室梁上置匣以貯之人所罕見唐太宗酷好二王書聚真跡幾三千六百紙暇日與魏證魏徵因避諱作誠論二王書法證曰右軍存日自喜者蘭亭序今在辨才所太宗欲即取之證曰辨才實此過於頭目未易遽索後召至長安因作贗本以示之辨才曰右軍作此三百二十五字夢天台白雲子

傳授筆訣以永字為法深恨所收真蹟兵火之餘求之不獲上留辨才而密遣搜訪但得智永千文以歸繼辨才託疾還山房玄齡薦御史蕭翼負才藝多權謀必能稱蕭翼梁元帝曾孫也太宗以命之翼曰若作公使義無可得之理願得二王雜帖三教通問行以往太宗給之翼遂易冠微服至湘潭隨客舟至越潦倒真得山東書生體每旦必入永欣寺觀畫壁過辨才院則休于門辨才見之問曰何處檀越翼答以北人寒暄纔畢語意投合延入圍棋撫琴握槊談文情甚相得便留夜飲設缸面新蕩江東云缸面猶河

北甕頭新醞也酒酣探韻賦詩辨才得來字詩曰初
醞一缸開新知萬里來披雲同落莫步月共徘徊夜
久孤琴思風長旅鴈哀非君有秘術誰照不然灰翼
得招字詩曰解逅款良宵殷勤荷勝招弥天俄若舊
初地豈成遙酒蟻傾還泛心猿踈自調誰憐失羣翼
常苦業風飄妍虫畧同彼此諷詠自恨相知之晚綢
繆踰月翼示以乃祖手書職貢圖辨才歎賞不已因
談論翰墨翼曰先世皆傳二王楷書法自幼耽玩亦
有數帖自隨辨才欣然約以明日携至如期而往熟
視數過曰是則是矣非得意時書貧僧有一真跡翼

曰何帖荅以蘭亭翼佯笑曰數經亂離真跡豈在辨
才曰先師寶惜臨終親付於吾付授有緒明日來看
翼至自梁上匣內出之翼見故指瑕摘類分競不定
自示翼之後不更置梁上并翼二王帖借留几間辨
才時年六十餘日臨數過老而彌篤翼往還旣密辨
才偶出赴嚴遷家齋翼來謂守房弟子曰忘淨巾在
內乃爲撤關遂取蘭亭並二王帖函出於永安驛呼
驛長凌朔告曰我是御史奉墨勅在此可報汝都督
齊善行馳至則宣示墨勅辨才時猶在嚴遷家聞命
不知所以見所謂御史者乃翼也聞取帖驚倒仆地

久始甦翼遂奉帖馳驛以進太宗大悅擢為員外郎
賜以金縷瓶瑪瑙碗良馬莊宅以玄齡舉得其人賜
錦綵千段始怒辨才慳吝不與數日後仍賜物三千
穀三千斛辨才不敢自私施於寺建塔三級帝得
帖命馮承素韓道政等各搨數本分賜皇太子諸王
近臣而一時能書如歐虞褚諸公皆臨搨相尚貞觀
二十三年太宗不豫幸王華宮含風殿命太子治以
蘭亭叙從葬昭陵矣今馮承素等所搨之本在者一
本尚直錢數萬也

右見法書要錄何延年蘭亭記尚書故實并唐

野史

蘭亭叙梁亂出外陳天嘉中為僧智永所得至大
建中獻宣帝隋平陳帖歸晉王王不愛之僧果從
王借搨及登位終不求索僧果死辨才得之太宗
為秦王因見搨本知在辨才處遣蕭翼取之武德
四年入秦府貞觀十年始搨以分賜近臣若錢鏐
後人希白所撰南部新書則言太宗在秦邸時歐
陽詢就越祚求之武德四年入秦邸及搨本以送
辨才趙景安雲麓漫抄引唐野史載智永所居之
寺曰雲門會稽志則云智永與其兄惠欣本住郡

之嘉祥寺右軍舊宅也梁武以二僧能從釋教合
二名改賜額永欣云

處士鄭元素温韜之甥隱廬山青牛谷四十餘載自
言從韜發昭陵入隧道至玄宮見宮室制度宏麗幽
深殆類人世正寢東西廂皆設石榻上列石函中有
鐵漆匣悉藏前代圖書及鍾王墨跡祕護謹密紙墨
如昨盡爲所掠韜死不知流散之所

右見鄭工部所編南唐記

唐太宗詔供奉臨蘭亭序惟率更令歐陽詢自榻之
本奪真勒石留之禁中他本付之於外一時貴尚爭

相打榻禁中石本人不可得石獨完善石晉不綱契
冊自中原輦寶貨圖書以北至綬胡林德光死未康
立國乃交兵遂棄石而歸慶曆中李學究者得之韓
忠獻壻也始以墨本示公公索石觀李瘞之地中李
死其子出石始售於公本必千錢由是好事者稍稍
得之後李氏子負官緡無償時宋景文公守定武時
以公帑金代輸取石匣藏於庫非貴游交舊不可得
也熙寧間薛師正出牧求者沓至薛惡其模打有聲
乃刊別本于外多持此以惠求者此郡真贋已有二
刻矣其子紹彭又模之它石潛易元刻暗以自別遂

於古刻湍流帶左右五字各剝損一二筆爲識或又謂古跡仰字如針眼殊字如蟹瓜列字如丁形又云字微帶肉乃唐古刻大觀中詔取此石於薛氏家其子嗣昌納進御府徽廟龕置宣和殿金狄之亂不知所在

右見何子楚跋語若滕章敏公則謂有游士携此石走四方後死於定武營妓家伶人孟水清取以獻是石本歸諸定武雖有六說然皆采景文公守郡日也

薛紹彭既易定武石刻 祐陵取入龕置殿閣靖康

之亂金人盡取 御府玩以此此刻非虜所識獨得留焉宗汝霖爲留守見之并取內帑所掠不盡之物馳進 高宗時 駐蹕維揚日置左右踰月虜騎大至倉卒渡江因此竟復失之向子固爲揚帥高宗嘗令冥搜之竟不獲

右見王明清揮塵錄宏父嘗瞻 高宗御札二

本一則付孟庾令於會稽向子固家取索米帶所跋蘭亭序一則付還疑卽尋訪定武石本

二宸翰孟之子以與腴庄張履履以昇宏父敬勒石在前又觀王大醇詩有云昭陵未閱千年

跡定武相傳幾樣碑此是中原舊時本石今焉
往落東夷又未知何所憑據宏父荆鳳山書院
於廬陵去郡城遠不二三里深得林泉之勝雖
夏旱冬涸滂流自如稍東卽泉所發源地鑿石
引水爲池樣流杯池置亭其上友人維揚倅朱
行父以引流間拉十數親友緬蹈前躅因刊袂
圖并考訂所以就爲小詩題贅于后時淳祐改
元歲次辛丑斗柄插亥上澣甲子日也鑄石于
廬陵鳳山別墅曾宏父謹識

暮春浴罷振春衣正是流觴脩禊時世事歲機應落

落人情恣我揔熙熙醉能辭醉元非醉詩到無詩乃
是詩備矣蘭亭衆君子不將文字立藩籬

一十一人詩兩篇成 一十五人詩一篇成
一十六人詩不成各罰酒三觥

河南

周府蘭亭禊圖考

新增

王佐

周王府永樂十五年新刻蘭亭序脩禊圖并詩文考
證共一卷絕佳睿翰亦甚勤矣其前五序一臨定武
的本一定武肥本一定武瘦本一褚遂良模本一唐
太宗模賜本圖後自製跋語其圖蓋模李公麟所畫

而翻白尤多比山陰禊圖稍細密圖後有天台孫綽
後序序後有唐柳公權宋米元章跋語宋高宗行書
付孟庾二帖俱旁註宋高宗御寶又其次有唐太宗
得蘭亭二跋及定蘭亭審訣詩歌曾宏父詩又載姜
堯章蘭亭偏傍考又載十七帖辨蘭亭旁註僧字不
是魯字之悞末有殿下所跋蘭亭諸說識以蘭雪軒
東書堂圖書記二圖書蓋此圖精緻得之者多自闕
藏後生小子或未之見因併書之以示來者

天順改元歲丁丑春三月吉水王佐書

此下皆河南本

右王羲之脩禊帖為古今書法第一自唐以來摹

榻相尚各有不同而傳之久遠者惟石刻存故後世
有定武褚遂良諸家不啻數十本贗者尤衆惟以定
武本為逼真其他亦有可觀者予閱之頗多今以定
武本三褚遂良本一唐模賜本一刻之於石復書諸
賢跋倣李伯時之圖兼禊帖諸家之說共為一卷讀
書之暇惟自以為清玩非敢遺示於人以為楷式也
永樂十五年歲在丁酉七月中漸書

蘭亭後序

天台孫綽

古人以水喻性有旨哉非所以淳之則清滄之則濁
耶故振轡於朝市則克屈之心生閑步於林野則寥

落之意興仰瞻羲唐邈然遠矣近詠臺閣頌探增懷
聊於曖昧之中期乎瑩拂之道暮春之始襍乎南澗
之濱高領千尋長湖萬頃乃藉芳草鑑清流覽卉物
觀魚鳥具類同榮資生咸暢於是和以醇醪齊以達
觀快然兀矣焉復覺鵬鷗之二物哉耀靈縱轡急景
西邁樂與時去悲亦系之往復推移新故相換今日
之迹明復陳矣原詩人之致興諒歌詠之有由文多
不載大畧如此所賦詩亦裁而綴之如前四言五言
焉

柳公權狀

蘭亭詩兼公權續得者亦封上伏惟檢領入篋餘異
面話不次十二日公權狀上給事閣老閣下青標擬
換却舊者謹白

米元章跋

右唐中書令河南公褚遂良所榻晉右將軍王羲之
蘭亭宴集序并諫議大夫柳公權所得群賢詩御史
檢法李公麟製圖皆駙馬王晉卿家所藏所謂三絕
崇寧三年六月十五日襄陽米芾書

宋高宗御劄

二俱行書

孟庾任叅知政事行
宮留守

聞知會稽縣向子固有褚遂良所臨蘭亭序後有米

帝題識卿可取進來欲一閱之十一日付寶孟庾押
蘭亭序寶却付卿二十四日押

一劉餗嘉話蘭亭序云見前法書要錄

王羲之嘗書蘭亭會序隋末廣州好事僧有三寶寶

而持之一曰蘭亭書二曰神龜以銅為之腹受水一

三日如意以鐵為之光明唐太宗特工書聞右軍之

蘭亭真跡求之得其他本若第一本知在廣州僧而

難以力取故令人詐僧果得其書僧曰第一寶無矣

其餘何愛乃以神龜如意皆棄之右見紀聞并書斷

唐太宗詔供奉云見前

大醇詩有云昭陵永閔千年跡定武猶存幾樣

碑碑是中原舊時本石今焉往落東夷右見首

定蘭審定訣我生適癸丑倒指十四周中間幾今古

沿革難泝流長歌繫顛末後山無與儔區區訪寡陋

欲陳良贅疣書家一詞稱定本審定由來有要領瓊

墨或因三疊紙針瓜天成八段錦中古亭列九處刻

最後湍流五字損界畫八羸九更長空一尾行意不

盡歐公集古莫之玆道祖懷壁西歸秦雲林寶晉最

博雅肉骨喻借脩江人近世王尤號多識肥瘦聚訟

徒紛紜手追賴有吳姜單粗於斯文能寫真上偽要

區別驪黃俱小節模拓偶濃淡豈足病奇絕取玉棄木石貴完次剥缺鑿裁當精深副以右方訣

見魯氏跋尾

詩句

又

十七帖中遠想慨然孔琳之帖恨恨脚中轉劇等字本皆側注後人模以入行雖失格體猶於理未害至於讀蘭亭叙者以不知老之將至傍一僧字為逸少作魯字之誤借使入行中則害理矣按古蘭亭叙本二十八行至十四行特濶者蓋紙接尾而不與知字適在此行之末梁舍人徐僧權於其傍著名當時謂

之押縫梁御府法書率多如此此帖僧字下失其權字近世人殊不知此乃云僧者魯之誤因讀為魯不知老之將至今非也又按晉史逸少本傳及書錄皆載此叙而叙中並無魯字蓋可是正耳

右見黃伯思法帖刻誤並

法書廣錄

右蘭亭諸說今擇其言當者錄於此其他誥詞所論皆不紀之愚以為書學之工亦小道耳誠不必留意於此要當寓意以適情興志於臨池之學者又當知之

偶乘秋涼以蘭亭諸說書此卷末復久不作楷殊愧

庸俗但欲識其事誠未暇較其工拙耳 七月二十
五日

天順改元丁丑夏四月初吉吉水王佐謹錄之於此

跋蘭亭圖

新增

金華黃潛晉卿

右蘭亭圖趙千里作永和禊集四十有二人其不見
於史傳者世或莫知其姓名千載之下乃有能摹寫
其儀刑風度以補史氏之闕者非直可資一時之清
玩而已李伯時有觴詠圖好事者已爲刻石以傳此
圖纖麗微密雖有善工亦未易刻尤可貴也

跋唐西臺御史蕭翼擘蘭亭圖後

新增

予幼時聞文皇遣蕭翼擘蘭亭敘於辨才事頗疑之
以爲文皇天縱人豪未必爲是瑣屑也及覽劉餗傳
記云蘭亭敘因梁亂流落人間陳天嘉中爲僧智永
所得至大建中獻之宣帝隋平陳又獻之晉王廣卽
煬帝也帝不之寶僧智果從帝借榻及登極竟不從
果索果死弟子辨才獲焉文皇爲秦王日見榻本驚
喜乃貴價市羲之書蘭亭序終不至及知在辨才處
使歐陽詢求得之以武德二年入秦王府由此而觀
辨才之師乃智果非智永求蘭亭敘者乃歐陽詢非
蕭翼也汝陰王銍性之采餼所載謂餼父子世爲史

官是正文字尤精其言當不妄詆蕭翼之事鄙妄狹
陋僅同兒戲且云秦郎不能遣臺臣文皇始定天下
威震萬國尪殘老僧何敢斬一紙書其意心相合予
疑於是頓釋或者謂辨才所居雲門寺有翼留題二
詩胡王黃三公皆信而不疑此固不足取以爲據至
若閻立本繪辨才以翼圖則出於河延之等傳會謂
爲立本當時之所親見尤非也今閱此卷遂執筆詳
識如此年耄神昏未必能中乎理又俟博雅君子定
之

記蘭亭觴詠圖

增

金華宋濂景濂

蘭亭觴詠圖一卷相傳爲李公麟所畫觀其運意狀
物極有思致似非公麟不能先畫蘭亭一所俯臨清
流上甚幽靜四面皆簾簾半捲旁周欄楯中設方几
几上研墨各一紙三二成軸一布几間有美丈夫坐
几後冠竹籜冠服大布衣右手操翰冥然若遐思疑
羲之草敘時也後列二童一侍側一吹火藝鼎上水
沸將淪湯前一童傍欄睨溪上中白鷺三一去一返
頤一飛起波面厠二鷺間溪上皆崇山峻嶺布衣自
中出三級水西寘酒尊四一童左手執袂右入尊酌
酒一童執觴一童執壺夾左右立尊前有案列觴五

觴各有舟如荷葉一童執觴流於溪一童偃立其後
舉觴次第授之旁有小提觴泊岸觸之使逝又西有
石磴上上覆舟一列觴三一童執壺注觴中一童取
酒盜飲次盡郡功曹魏滂右將軍王羲之滂左執卷
回顧羲之伸右手欲索卷觀羲之左持卷授滂未授
右執翰凝視若將塗竄然風流之狀猶可髣髴想見
次盡散騎常侍郗曇左右手展卷自誦次盡滎陽桓
偉餘杭令謝藤偉坦腹坐左手掀髯氣甚豪右執卷
倚大帶間藤解襟盤礴詩思久未屬握拳作欠伸勢
次盡侍郎謝瑰左持卷當膺右握翰撫膝上次盡王

凝之穎川庾友王渙之凝之袒兩肩左手垂硯側右

手受友也袒如凝之方軸紙作卷上末紙參差以

掌齊之渙之袒如友兩手抱膝微吟次盡行參軍事

丘旄袒裼如渙之伸一足坐舉手取觴飲次盡餘杭

令孫統琅琊王友謝安行參軍曹茂之府主簿任凝

統翹左足交兩手著膝安翹右足左手壓硯令不動

右指墨作汁二人相向坐茂之兩手執紙直垂展轉

軸之凝袒衣露左臂壓膝上翹一足如統旋首顧茂

目光炯然次盡左司馬孫綽歛衽危坐若泊然無所

爲者次盡穎川庾蘊年甚耄坐久思起右手據地一

童挾左臂扶之次畫行參軍楊模衣半袒单足起立
屈一足揚雙袖向前翩翩如舞次畫王獻之王肅之
鎮軍司馬虞說任城吕系府主簿后綿獻之襟紐半
敞垂右手著地左按膝肅之困睫不可擊一手捩紙
作針刺鼻令嚏說袒半衣兩手展卷讀系向說右手
據席左統出臂後閣膝上臂露者半俯身就說作聽
狀綿足心並翹一足兩手持卷夾膝身微側次畫參
軍孔盛坦腹仰面視霄漢翹一足左持卷枕膝右據
地傍一童伏溪岸以小挺致觴欲飲盛次畫參軍劉
密坦衣坐左手執袂右入水微波動指間前有觴泛

流而下欲取之旁有覆觴流出次畫王玄之未興令
王彬之郡五官謝繹王徽之玄之展卷斜視露左手
右不見彬之與玄之對袒肩坐伸手借卷繹亦袒垂
左臂右執翰壓臂上瘡將搔之徽之左擎卷至顴右
操翰欲寫未寫次畫府功曹勞夷行參軍徐豐之夷
豐之相向夷左執觴右手夾觴側若獻豐之豐之面
仰視搢音宣袖至腕上勢粗甚右手向身北取觴似
欲酬夷者次畫長岑令華者右執觴未飲左捩髭旁
睨豐之洋上有喜色次畫徐州西平曹華右執卷側
身欲讀左手隱次畫王蘊之鎮國大將軍掾下迪司

徒左西屬謝萬彭城曹譔任城呂本蘊之箕踞坐交
臂兩膝間一握拳一舒掌上覆拳背迤半欹舉手迎
觴欲取萬肩半坦左按紙右在肘下側目視迤譔伸
右足左持觴頤本上翹一足屈臂拄膝持翰貼耳上
頭微仰若苦吟者次畫上虞令華茂山陰令虞谷中
軍參軍孫嗣茂袒背右執翰垂下欲擲轉首共谷語
谷袒衣與茂同右持觴浮茂嗣拊掌大笑一足踞次
畫陳郡袁嶠之行參軍王豐之豐之展卷抑首讀背
微偃嶠之雙掌相向舞似對之擊節者次畫二垂柳
夾石橋上有扶欄二童度橋上一持器疑貯觴者一

倚闌戟手指溪中溪左右各一童操小艇邀觸舟收
之其側有覆觴二舟兩別有一童出柳下身半露自
蘭亭至石橋溪水詰曲流如龍奔溪右二十人溪左
二十有二人其中冠者十有二人巾者三十人衣皆
裘加紳各地坐藉以方裯或熊虎皮研紙墨筆各具
有詩者各係人傍兩篇成者十有一人一篇成者十
有五人不成者十有六人其狀人人殊誠可謂善畫
者已今去永和癸丑不越千有餘年計其一時人物
之盛清標雅致浮動於左尊右俎間猶可卽此圖以
想見其事然而俯仰今昔時異世殊崇山峻嶺固不

改於舊而昔人果安在哉後之人欲見不可得徒想
像於圖畫中亦足悲矣噫世間萬事往往如是何足
深道唯辭章勞烈足以傳世于無窮其人雖死猶不
死也如王謝諸人是已使公麟復生尚得描貌之乎
予見此卷於友人家因借歸記其事如右時一觀焉
則有不勝感慨者矣

定武蘭亭跋

國子祭酒南昌胡儼若思

王右軍蘭亭敘世傳書用蚕蠶紙鼠鬚筆適媚勁健
絕代更無凡二十八行三百二十四字上有重者皆
搆別體其時若有神助及醒後他日更書數十百本

終無如被襖所書者右軍亦自環愛留付子孫傳至
七代孫智永卽第五子徽之之後掌其書至唐弟子
辨才爲蕭翼給而取之太宗尤用寶惜從葬昭陵唐
末之亂昭陵爲溫韜所伐其所畫皆剔取其裝軸金
玉而棄之於是魏晉以來諸賢墨跡遂復流落人間
宋太宗時購募所得集爲十卷榻摹傳之數以分賜
近臣今世所傳法帖是也然蘭亭真本亡矣故不得
列於法帖以傳世今傳世獨以定武本爲冠而所傳
亦不一一云唐太宗以真跡刻寘學士院後宋梁徙
於汴耶律德光載歸棄於鍾山土人李學究得之埋

土中以別刻獻韓魏公李洙其子出之宋景文公買
寘公帑薛向子紹彭載歸長安以別刻寘公帑大觀
中就薛氏取寘宣和殿靖康之變金人以紅毯載取
而歸一云唐太宗既得辨才真跡令趙模等摹十本
賜方鎮定武以玉石刻之一云江左所傳會稽石也
錢氏歸朝定武富民買之以歸一云自薛向作帥別
刻石易去於元石鏤損天流帶右四字以惑人然定
武又自謂有肥瘦二本而鏤損者乃瘦本爲真定武
後復州以真定武本重模亦鏤損四字其字極瘦王
順伯尤延之爭辯如聚訟然瘦本風韻竟勝而瘦本

之石宣和間就薛向家宣取入禁中龕于睿思殿東
壁建炎南渡宗澤遣人護送此石至維揚虜至維揚
不知所在或云金人以氊裹車載之而去其所傳顛
末不同大槩如此詳見後今此本其來甚遠未樂四
年五月余始得觀之較他本定武筆法差瘦殆所謂
有風韻者今觀天流帶右四字具存當是定武初刻
未鏤損時本也鄉里前輩凡論襍帖必以此爲言信
知其可寶也

蘭亭諸帖記

復州裂本首六行斜裂第一行關會字又永字與二

行會字三行畢字四行脩字五行爲流二字六行絃
字正當裂處十三行因字內改筆作小仲字十七行
向之字差大二十五行視昔下二字作圈夫字上露
初也字末行文字稍重乃景陵郡齋舊物湮沒民間
宋紹興丁丑郡守何文度搜訪得之

豫章裂本首行關會字第二行亭字第三行群字第
六行列字第七行幽字第九行勝字俱有關白又第
九行觀字第十行以遊二字十一行樂也夫三字十
二行抱悟言三字十三行形骸之外四字十四行其
欣二字正當裂處餘同復州本

江州裂本首行關會字第五行湍字第六坐其二字
第七行詠亦二字第八行清惠風三字第九行之盛
二字正當裂處餘同復州本

鄱陽汪相家裂本首行關會字第二行亭字三行群
字四行流激字七行幽字九行盛字十二行內字十
七行隨字十八行猶字廿二行若字廿三行生行皆
有關白又其裂處正與豫章本同後有圖書二一云
忠衛社稷之家

慶州劉涇本云是巨濟刻家藏絹本首行會字全末
題模家本留刻仙都又題紹聖丁丑蜀人劉涇字皆

全惟第三行畢字關白

石氏肥本云是石熙明摹刻石首亦關會字筆畫雖肥而意度亦有可取

不知處本首行亦關會字其中多細裂而意度亦好淡墨本前八行橫裂第一行暮字二行亭字三行咸集字四行有字五行流字六行管字七行幽字八行暢仰字正當裂處又十七十八行有細裂文其原不知何處

劉無言本首行亦有會字筆勢稍活動當是重刻褚本褚本在宋時初藏蘇氏米元章以名畫易得之極爲寶愛後嘉熙庚子西秦張激清淑摹勒上石不知無言何時又重刻也

永嘉本云是智永臨寫宋紹興間太守程邁刻寘郡齋筆勢雖縱逸而未免失真首行會字亦全未有孫綽後敘是唐乾封二年僧懷仁集書又有秦檜吳傳朋題識俱在

北京本近出天師庵土中規摹意度與豫章本畧同

今在北京國子監中

右蘭亭諸本當以復州本爲勝次豫章本次則劉無言重刻本次北京本其他皆不及也豫章

胡儼記

蘭亭模本字考

王佐

各處模本蘭亭石刻癸丑二字畧小而相連崇山二字傍註因寄所託因字中改曾不知曾字旁註作僧字向之二字痛哉痛字悲夫止字斯文止字皆改而筆畫重視昔之下圈去二字東觀餘論云晉史逸少傳無曾字乃是徐僧權得之用名字小印押縫耳歲久止存僧字後人不知誤爲曾字脫落增添此字耳因并記之王佐識

蘭亭定武本跋

王佐

定武本是唐率更令歐陽詢信本以蘭亭真本臨摹最爲逼真太宗愛之刻石置禁中詳見何子楚跋語宋慶曆中宋景文公祁守定武得之於韓忠獻公琦之甥家匣藏于庫故世傳曰定武本熙寧中薛師正出牧定武別刻一本于外以應求者於是定武本真贗有二刻石矣其子紹彭又模刻他石潛易定武真本於石刻上暗劃湍流帶左右五字各一二筆以私識之世因又號曰五字損本大觀中紹彭之子嗣昌以進徽宗龕置宣和殿靖康之亂金人不知此石刻之可寶也獨得留焉宗澤汝霖時爲留守入內帑見

此石刻取以馳進高宗時駐蹕維揚日置左右踰月虜騎大至倉卒渡江東竟失此石札仰揚帥向子固冥搜不獲

國朝宣德四年兩淮鹽運使金華何士英偶得之民間一面肥本一面瘦本九年秋佐錄囚至淮上士英以數本見貽瘦肥本果剗損五字異於衆碑佐信其爲定武原本也其年冬士英適考滿匣至京師擬進明年春

宣朝賓天士英得請致仕竟携此石以歸金華佐以一本貽春坊左庶子周公崇述餘藏于家正統三年惜遭回祿燬焉其後同寅員外金華蔡安貴又得士英所藏肥本嘗請予題其後云因併識之以告來者景泰七年丙子夏五月節後二日竹齋王佐識

宋克仲溫戲書趙子昂蘭亭十三跋

在松江新增

蘭亭墨本最多惟定武刻獨全右軍筆意此薛紹起彭家所拓者不待聚訟知爲正本也至元己丑三衢舟中書時過安仁鎮正月望日

此三行餘字字大七八分

蘭亭帖自定武石刻既亡在人間者有數有日減無日增故博古之士以爲至寶然極難辨又有未損五字者五字未損其本尤難得此蓋已損者獨孤長老

送余北行携以自隨至南潯北出以見示因從獨孤
乞得携入都他日來歸與獨孤結一重翰墨緣也至
大三年九月五日孟頫跋于舟中獨孤名淳明天台
人此四行零四字比
上差小一半皆繇字

蘭亭帖當宋未渡南時士大夫人人有之石刻既亡
江左好事者往上海家刻一石無慮數十百本而真贋
始難辨矣王順伯尤延之諸公其精識之尤者於墨
色紙色肥瘦穠纖之間分豪不爽故朱晦翁跋蘭亭
謂不獨議禮如聚訟蓋笑之也然傳刻既多實亦未
易定其甲乙此卷乃為佳本五字鏡損肥瘦得中與

王子慶所藏趙子固本無異石本中至寶也至大三
年九月十六日舟次寶應重題子昂此七行作章草
字與上四行大

蘭亭誠不可忽世間墨本日亡日少而識真者蓋難
其人既識而藏之可不寶諸十八日清河舟中此二
行作

繇字差
小于上河聲如吼終日屏息非得此卷時上展玩何
以解日蓋日數十舒卷所得為不少矣二十二日邳
州北題此一行半作繇
字比上又差小

昔人得古刻數行專心而學之便可名世况蘭亭是
右軍得意書學之不已何患不過人耶此二行半作
行書比首三

頃聞吳中北禪主僧名正號東屏有定武蘭亭是其師晦嚴照法師所藏從其借觀不可一旦得此喜不自勝獨孤之與東屏賢不肖何如也二十三日將過

呂梁泊舟題 此四行作行書 字比上畧小此

學書在玩味古人法帖悉知其用筆之意乃為有益

右軍書蘭亭是已用筆因其勢而用之無不如志茲

其所以神也昨晚宿沛縣二十六日早飯罷題 此三行零

二字作草書 字比上差小

書法以用筆為上而結字亦須用工蓋結字因時相

傳用筆千古不易右軍字勢古法一變其雄秀之氣

出於天然故古今以為師法齊梁間人結字非不古

而乏俊氣此又存乎其人然古法終不可失也二十

八日濟州南待闈題 此三行半作 小楷帶絲字

二十九日至濟州遇周景遠新除行臺監察御史自

都下來酌酒於驛亭人以紙索書于景遠甚眾而乞

余書者全來殊不可當適登舟解纜乃得休是晚至

濟州北三十里重展此卷因題 此四行半草書帶草 字與昔人得古刻同

大

東坡詩云天下幾人學杜甫誰得其皮與其骨學蘭

亭者亦然黃大史亦云世人但學蘭亭而欲換凡骨無金丹此意非學書者不知也十一月一日此二行小楷作

字

大凡石刻雖一石而墨本絕不同蓋紙有厚簿麓細燥濕墨有濃淡用墨有輕重而刻之肥瘦明暗隨之故蘭亭難辨然真知書法者一見便當了然政不在肥瘦明暗之間也十月二日過安山北壽張題此三行作

蚕頭章草

右軍人品甚高故書入神品奴隸小夫乳臭之子朝學執筆暮已自誇其能薄俗可鄙三日泊舟虎

陂待放開書

此三行作絲字頗粗

庚戌九月望夜秉燭錄趙魏公子昂十三跋蘭亭一過付沈文舉子時年四十有四吳郡宋克書

右吳中宋克仲溫書趙魏公蘭亭十三跋予愛趙公跋語有益於學書者於是乎書

天順改元歲丁丑夏四月二十四日王佐題

跋定武蘭亭肥瘦二帖 九靈先生戴良叔能

右軍蘭亭敘古今所共寶而入石者非一大抵當以定武本為最勝然世之所傳者每有肥瘦之不同宋尤延之謂瘦者為真定武而王順伯則主肥者二公

皆好古博雅其辨古今石刻真僞甚爲當世所推重而於定武一帖所論不同如此何耶孫氏藏此二本一類瘦者其一差肥使二公而在當必互有所稱許矣其家尚寶藏之他日子孫有能書者當推此爲書種

默成定武蘭亭記

增

金華魯齋王栢

蘭亭脩禊敘右軍之神筆也所謂遒勁圓健已備其美七傳而至智永其徒辨才尤祕藏如護頭目越二百六七十年而唐太宗以術取之未幾殉于昭陵而真跡亡矣唐初善書者多而臨摹不止一家惟歐陽

率更爲逼真勒石禁中后晉時契丹輦歸流落于定武此所以定武本獨貴重於天下本朝慶曆中碑出民間歐公集古所見已四五本乃以定武爲別本蓋亦未深考也其後米南宮所得止褚河南臨本耳自熙寧後薛師正父子別刻二本以易元碑於湍流帶左夫劉損一二筆爲識行於世者往亦別刻本故定武真本亦不多見南渡以來紛上翻刻幾千石矣訛以傳訛僅同兒戲每竊哂之寶祐丙辰仲夏將晦內兄潘伯遠之子出乃父遺訓以家傳數碑授予囑以後事而默成所寶蘭亭敘亦在其中予且悲且懇質

田以承命久而玩之實熙寧以前定武本也何以證之字有率更體而所劖五字尚可見也諸家所識精筆儼然在目千石辟易莫敢仰視如皓月中天而萬緯沈暉如祥鳶覽德而群飛歛翼自可獨步東南也方宣和紹興間胡馬南馳中原倣優士大夫宜未暇留神於翰墨題識于後者猶二十餘人多一時名公卿也豈非懷古傷今而卒付之無言乎最後范太史冲一跋微發其機寓感慨之深意真足以瘖晉室群賢之舌而奪之氣後之來者宜不復可措手矣惜乎元祐諸君子之故蹟脫落不存自是息影潛形百二十餘年而歸於予以予無所嗜好一朝而得北方盛時之名刻傳默成衣鉢之餘玩亦異事也暇日摩挲展觀對諸賢姓名肅然起敬豈特憾世道之廢興而是物託諸人者已不勝其可嘆未知後之視今復何如也因題其顛末于后云

書蘭亭模本法帖後

胡儼

余嘗見此書真跡云是宋蘇易簡家故物世傳蘇家禊帖三本此爲第二本乃舜元字才翁房所藏題爲唐褚遂良所模其書毫髮備盡少長字世傳衆本皆不及長字其中二筆相近末後捺筆鉤回筆鋒直至

起筆處懷字內折筆抹筆皆轉側福而見鋒斲字內
斤字足字轉筆賊毫隨之於研墨處賊毫直出其中
世之摹本未嘗有也當時米芾甚愛重之以王維雪
景六幅李後主羽毛一幅并徐熙梨花大折枝就蘇
洎易得之洎才翁之子易簡之曾孫也今觀刻本乃
宋喜熙庚子西秦張澈清淑模勒上石少長二字與
真跡合懷字斲字有不同者意蓋模勒之不及耳要
之筆活有鋒勢過他本遠甚上有易簡子耆天聖歲
跋范文正王堯臣題識及元章贊辭人言爲舜欽藏
本者非也考之舜欽房所藏蓋第三本唐粉蠟紙摹
其第一本又云有易簡題贊世遠皆不知存亡然聞
字畫精妙俱不逮第三本也

蘭亭袂圖記

王佐

佐幼聞之鄉前輩云右軍初書蘭亭序用鼠須筆蚕
蠶紙道媚勁健自謂有神助爾後累書數十百本皆
不及心甚愛惜而藏之唐太宗酷好二王書法得真
本蘭亭於僧辨才令歐陽詢褚遂良等臨摹以賜諸
王以詢所書逼真者刻石寘禁中非諸王大臣不可
得遺命以真本蘭亭從葬昭陵太宗陵陵爲溫韜所
發得其真本其後流落人間不知所在今所傳諸碑

皆真觀中臨本也故各有不同然世所傳蘭亭脩禊圖卷其敘不知書者名氏要皆歐褚之筆也其行疑字體大小塗改諸本皆同其圖則相傳爲李公麟之筆布置精妙不易得也天台孫綽後敘行書又不知爲何人之筆其次則有唐陸東之蘭亭詩又其次則有宋高宗二御札宋米芾題識字皆可愛其後有廬陵曾宏父所敘唐太宗得蘭亭之始末及宋高宗失定武本之顛晦與夫薛紹彭父子翻刻定武本之由皆據何延之蘭亭記鄭工部南唐祀何子楚蘭亭跋語主明清揮塵錄而書之考究詳實其用心勤矣哉

淳祐初元宏父刻寘吉州鳳山別墅江鄉大族未嘗聞有存其本者而吾郡學士大夫君子又不知何故無一語及此者而其石不傳亦未知其自何時而燬于兵也今浙江紹興府山陰縣自

國朝洪武中有蘭亭流觴曲水圖石本往卜流傳於世蓋卽宏父本也其題識如舊第未知何時人刻寘于彼也正統中碑石損壞又繼刻之亦未知何人所留意也王佐謹記

跋趙文敏公所臨蘭亭敘 九靈先生戴良叔能前輩論逸少筆跡真者當祖之臨者宜子之旣鑄之

石而又摹臨之者其屬猶近繼此蓋遠矣文敏所臨本豈屬之近者非耶然傳之於世真贗常相半此本舊藏四明袁德平家文敏與德平友善故書以遺之奉化陳士申慈溪孫原道皆德平姻家子原道得之於士申而士申得諸德平前後相傳不出他族其為真跡無疑矣原道與弟原理皆善書其必知所環矣

跋王枕蘭亭帖

新增

金華王禕子克

蘭亭帖自唐以後分二派其一出於褚河南是為唐臨本其一出於歐陽率更是為定武本若王枕本則河南始縮為小體或謂率更亦嘗為之宋景定間賈

氏

似道

枋國凡蘭亭遺刻之在世者鮮不資其玩好此本後有右軍小像且題曰秋壑環玩其賈氏所重刻者耶洪武年王禕子克跋

臨江府有王枕蘭亭帖永樂中佐得之燬于火惜不知是何人所書近在南京李莊家見之云是趙子昂所書字皆蠅頭小楷方四五寸字行如蘭亭古本

跋石鼓臨本

新增

王禕

岐陽石鼓二代石刻之僅存於今者也宋東都時嘗鑄金填其刻文移置宣和殿金人入汴剔取其金而棄去之故自靖康土宇分裂之後拓本絕不易得好

格古要論 卷之二
事者以銀一錠購其十紙則其見寶于世可知國朝
既取中原乃輦至京師置國學廟門下於是近時榻
本日以廣而字畫益漫漶不可辨矣云云元至正
年烏王禘子克跋

題石鼓文後

新增

泰和楊士奇

右石鼓文十元國子司業潘迪考訂音訓刊附于後
在今北京國子監此刻鄭夾漈定爲秦篆歐陽公集
古錄疑此文自宣王共和至宋嘉祐千九百年且文
細刻淺理不應得存又疑其自漢以來博古好奇之
士皆畧而不道予謂石鼓文决非秦漢以下之人所

凡所謂文細刻淺者安知當時不深刻歷世久遠則
磨滅如此而今文字之存者計裁三之一耳其中不
可辨識者又三之一則亦久遠之驗也

永樂

年泰和楊士奇題

佐按石鼓歌唐韓文公謂爲周宣王時文公必有所
見也

新增格古要論卷之二 畢

新增格古要論卷之三

雲間曹昭

明仲著

雲間舒敏

志學編校

吉水王佐

功載校增

新都黃珙

拱璧甫重校

古墨跡論下

淳化閣帖

宋太宗搜訪古人墨跡於淳化年中命侍郎王著摹勒作十卷用棗木板刻置秘閣各卷尾俱有篆書題云淳化三年壬辰歲十一月六日奉聖旨模勒上

石 上有銀錠紋用澄心堂紙李庭珪墨拓打以手
揩之墨不汚手 親王大臣各賜一本人間罕得今
世人所有皆後來轉相傳摹者

淳化閣帖考

王佐

淳化閣帖十卷 第一卷漢晉至唐帝王書 第二
卷漢魏吳晉人書 第三卷晉宋齊人書 第四卷
梁陳唐人書 第五卷蒼頡孔子禹湯及秦隋唐人
書并隋僧智果評書 第六第七第八卷羲之書
第九第十卷獻之書 宋監察御史劉次莊中叟有
釋文十卷 宋丞相吾郡永新劉沆當以太宗賜本

摸刻傳於世自後士大夫家又有摹刻其本以傳者
又有木板淳化帖及右軍十七帖舊家大族往上有
之今皆不復聞有藏其板者矣疑皆爲元末紅巾盜
所燬也佐家藏前帖皆是木板字完好如閣本但中
間亦未免缺落一二至如十七帖與今太子洗馬安
成李紹所藏同一本也又未知其源出於何人家說
者謂宋南渡以前帖有六本其後摹刻以傳者益多
而絳潭泉汝四帖在焉然泉汝不及潭絳今潭帖已
燬而泉帖取歸

國朝秘府不易得矣因并識之王佐記

淳化帖記

增

王栢

本朝儒學獨盛非漢唐可比而碑刻尤多蓋

太宗皇帝偃武脩文一洗五季鋒鏑之腥以闡吾道
伊洛之原天下甫定卽遣使購募前賢真跡集爲法
帖十卷而藏之鏤板于中禁每大臣登進二府者賜
以墨本歐陽集古錄云時禁中灾碑板被焚遂不復
或云板今在但不賜耳故人間以官法帖爲難得然
當時命王著辨精粗而著之識鑒不明真僞莫察王
石雜揉遂爲全帖之累前人論此固多矣此雖不能
無疵今彙萃古人筆千百年間一開卷而粲然在目

使人擊節賞嘆不已豈不快哉後來未暇論其少繆
政恨真法帖之難見絳帖銓次不同劉希白長沙帖
字行疎密亦異陳王本病於無精神臨江本病於瘦
弱俱不足以比肩閣本紛上各自夸張不特字體變
動而摸拓亦無精墨是以山谷云當時用歙州貢墨
摸打則色濃李莊簡云用李廷珪墨後用潘雲谷墨
則色淡此墨色濃淡之分也李莊簡云初時板完好
不用銀釘後來板漸拆裂然後用銀釘此銀釘有無
之分也山谷又謂墨濃則瘦墨淡則肥此字畫肥瘦
之分也然非閣本則此皆不足辨予所見閣帖凡四

本一爲李莊簡舊藏此爲墨最濃而未見銀釘一爲先伯文定家藏墨淡而肥已有銀釘一爲聞氏仲信家藏亦非先本一爲潘氏維屏得故家物疑陳王本也淳祐癸丑之夏予偶得鬻碑塵敗之帖兩卷人所不售者細視之真李廷珪墨打者也精神體致絕出前四本手自裝褫分爲四冊末爲閣本之式以予草茅下士解后而得中原盛時難得之帖亦大過分矣而敢望其全乎惟其不全故予得而寶之錫山尤公有云鳳凰一毛麒麟一甲終是希世之寶况已得十分之二矣天下之尤物豈盡出於金題玉躐中耶

絳帖 後增

宋尚書郎潘師用淳化閣帖增入別帖重摹刻二十卷于絳州北紙比墨極有精神在淳化閣帖之次其石比淳化帖本又高二字

絳帖考

絳帖十二卷第一卷孔子倉頡秦漢魏人書第二卷晉南朝唐宋帝王書第三卷四卷晉人書第五卷六卷右軍書第七卷八卷獻之書第九卷南朝隋唐人書第十卷晉何氏衛夫人及隋唐僧人書第十一卷十二卷宋名賢書此刻歲久不完崇慶初高汝礪爲

節度使又補完之增入顏魯公諸帖以壯忠義之氣
且題于後今又不完善存者五十七幅碑入 晉王府
不易得矣 元編脩陳繹曾云骨法清勁足正王著
肉勝之失然駁馬露骨又未免羸瘦之病蓋淳化之
子今之學者不見古帖得此一可寶矣惜不完也王
佐記

潭帖 後增

淳化帖頒行潭州模刻一本與絳帖鴈行宋慶曆間
長沙僧希白重模本亦佳紹興間第三次重摹者失
其真矣

元陳繹曾云希白模刻潭帖風韻和雅血肉停勻但
形勢俱圓頗乏峭健之氣蓋淳化之子也在潭之郡
齋

泉帖 後增

以淳化法帖翻刻於泉州郡庠 佐生也後無以考
究摸手洪武四年辛亥知府古任常性以劉次莊釋
文敘而刻之我
仁宗皇帝命取入秘府人不可得而見矣

汝帖 後增

汝州帖乃摘諸帖中字牽合爲之每卷後有汝州印

後會稽重模之謂之蘭亭帖

汝帖考

汝帖十二卷第一卷三代金石文八種第二卷秦漢三國人書十五種第三卷晉南朝帝王書第四卷魏晉九人書第五卷晉人王郗桓三氏書第六卷二王書并洛神賦第七卷南朝十人書第八卷晉胡北朝十二人書第九卷唐三朝帝后書第十卷唐歐虞褚薛書十一卷唐李顏韓賀柳李六臣書十二卷韓愈及五代諸國七人書其石不佳諸帖中最低者也佐亦無以考爲何人所摸也謹識

十七帖考

新增

王佐

右軍十七帖因首有十七日三字故名八碑共二十九帖中間多與淳化法大同小異佐家藏者是木板絕妙但不能考其所從來宣德中佐見大理寺丞蘇州仰瞻所藏石本後有唐文皇押字疑其爲館本也宋黃長睿云右軍草書十七帖最爲可師此書中龍也佐識

跋館本十七帖

新增

金華黃潛

唐貞觀元年詔京官職事五品以上子嗜書者二十四人隸弘文館習書出禁中法書以授之尋又置榻

書三人此館本之始也開元六年命整理御府古今
工書鍾王等墨跡得一千五百一十卷視貞觀時無
所增減龍翔三年裝進館內法書至九百四十九卷
然則當時館本必不止十七帖此十七帖特以世所
共傳而其後有勅勒充館本故名之曰館本十七帖
耳卷尾有僧權二字不完足梁之徐僧權云元金華
黃潛跋

宋哲宗元祐秘閣續帖

元祐中奉旨以御府所藏真跡除淳化帖外刻續法
帖

宋徽宗太清樓續帖

後增

宋大觀間奉旨以御府所藏真跡重刻于太清樓與
淳化帖有數帖多寡不同其中有蘭亭敘皆蔡京標
題卷尾題云大觀三年正月一日奉聖旨摸勒上石
陳繹曾云大觀帖蔡京摸刻京沈酣富貴恣意粗率
筆偏手縱非復古意賴刻手精工猶勝他帖蓋淳化
之弟也

又云太清樓續閣帖温陵劉燾無言摸刻工夫精緻
亞於淳化肥而多骨求備於王著乃失之麓硬遂少
風韻

黃山谷題太清續帖云劉燾箋題便不類今人書使
之春秋高江東又出一羊欣薄紹之矣由是觀之此
帖必無言早年所書也

宋孝宗淳熙秘閣續帖後增

宋淳熙間奉旨以御府珎儲刻石禁中卷尾題云淳
熙二年乙巳歲二月十五日脩內司恭奉聖旨摸刻
上石

陳繹曾云修內司武岡福州諸帖皆有可觀

臨江戲魚堂帖後增

宋元祐間劉次莊以淳化閣帖十卷摸刻于臨江除

去卷尾篆題而增釋文在潭帖之次

陳繹曾云此帖在淳化翻刻中頗為有骨格者淡墨
榻尤佳

正統二年佐歸省還家道過臨江府學見數碑埋沒
路傍意其為戲魚堂碑也俾訓導同邑杜思昭起之
果法帖也其餘碑刻度因紅巾盜起埋沒學傍土中
惜無賢守今尋獲姑記所見以俟賢者王佐記

鼎帖新增

陳繹曾云鼎帖石硬而刻手不精雖博而乏古意

星鳳樓帖新增

星鳳樓帖宋尚書趙彥約刻于南康雖衆刻重摸而精善不苟

陳繹曾云此帖南宋曹士冕摸刻工而有餘清而不穠亞於太清樓續帖

玉麟堂帖

新增

陳繹曾云汴人吳琚居父摸刻穠而不清多雜米家筆仗蓋琚日臨古帖字類米芾故也

寶晉齋帖

新增

陳繹曾云宋曹之格摸刻在諸帖中爲最下蓋星鳳之子也

宣德九年佐錄囚至無爲州學見此碑散亡不完命諸生拓其存者六七碑字多米芾元章所書

米友仁題其後云羲之七帖先臣芾中年所臨此字有雲烟卷舒翔動之氣非善雙鈎者所能得其妙精刻石者不能形容其一二也紹興六年丙辰十二月初七日臣友仁審定 凡卷首寶晉齋法帖卷第幾俱篆字 未有右曹氏家藏真跡識以大圖書

百一帖

新增

陳繹曾云宋王曼慶模刻筆意清猷雅有勝趣恨刻手不精

利州帖

宋慶元中劉次莊以戲魚堂帖并釋文重刻石于益昌其釋文字畫較臨江帖稍大

黔江帖

宋秦子明於長沙摸刻僧寶月希白古法帖十卷載入黔江紹聖院乃潭人湯正臣父子刻石

蔡州帖

蔡州臨摹絳帖上十卷刻石出於臨江潭帖之上

彭州帖

彭州亦刻歷代法帖十卷不甚精采紙類北紙

武陵帖

武陵帖二十卷較諸帖增益最多中間有右軍黃庭經他本所無博而不精殊無足取

東庫本

在絳州

世傳潘氏子枏居法帖石本分爲二其後絳州公庫乃得其上十卷絳守重刻下十卷足之一部名東庫本其家復重刻上十卷亦足一部於是絳州有公私二本靖康兵火石並不存後金虜重摸者天淵矣

賜書堂帖

賜書堂帖宋宣獻公綬刻于山陽有古鍾鼎識文絕

妙但二王帖未精石已不存後有重模本

甲秀堂帖

甲秀堂廬江李氏刻前有王顏書多諸帖未見後有宋人書亦多

二王帖

二王帖宋許提舉間刻于臨江模勒極精

群玉堂帖

群玉堂帖宋韓任胃刻所載前代遺跡最多後亦有宋人書

李靖西嶽書

新增

唐李衛公布衣時上西嶽書蓋厭隋亂其志奮欲有為而咨之神明之辭也其書亦佳石刻在廣西

壇山石刻

新增

吉日癸巳四篆字周穆王時所刻字畫絕妙在趙州贊皇縣

千祿字書

新增

唐顏魯公真書小字辨別字之正俗顏元孫作石刻在四川潼川州

新增陝西碑帖

王佐

嶧山碑

秦李斯篆燬于火宋鄭文寶翻刻皆玉筋篆一行十
字字方二三寸

聖教序記 褚遂良臨本在同州倅廳

唐太宗作序高宗作記僧玄奘譯多心經僧懷仁集
右軍行書字體遒勁可愛貞觀二十三年八月作
咸亨三年十二月刻石

真草篆書千文五家

唐僧智永書一行真一行草末有大觀己丑薛嗣昌
記

唐張旭草書方二三寸極佳今亡缺過半

唐僧懷素草書大小三種大者極佳小者字頗促

唐開元中李陽冰篆書

唐僧夢英篆書

夫子廟堂碑

唐虞世南書真字

孔子廟碑

唐僧夢英篆書

筆陣圖

晉王右軍行書間有草字其書神妙爲世所重時年
五十有二末云千金勿傳非其人也永和十二年四

月十二日書

皇甫君碑

唐率更令歐陽詢真書字多損壞存者數十字耳乃于志寧撰文今石本乃重摸者耳

化度寺碑

唐歐陽詢書真字

昭仁寺碑

唐歐陽通真書詢之子

多寶寺塔銘

唐顏魯公真書

座位帖藁

顏魯公行草蓋初稿也中多塗改字體最妙凡五碑正統中破缺多矣

元趙子昂臨本在北京國子監今亦不全

祭顏杲卿并十三姪文

真卿行書

祭伯父濠州刺史文藁

真卿行書

顏氏家廟碑

真卿文并書碑四面環轉李陽水篆額

金蘭帖

歐陽率更真書凡六十字

玄秘塔銘

唐侍書學士柳公權書

律公藏真帖

唐僧懷素草書藏真一帖律公二帖俱遊絲字末有

宋景祐三年馬丞之題草書二十三字亦妙 又有

微仲書云結字小異

聖母帖

懷素草書頗難識貞元九年歲在癸丑五月刻石宋

元祐三年戊辰摸刻上石

右自嶧山碑至此俱在陝西西安府學

九成宮醴泉銘

太宗改隋仁壽宮作九成宮

唐歐陽詢真書字差大魏徵文 在鳳翔府麟遊縣

其文有箴規太宗之意故末云居高思墜持滿戒覆

唐雲麾將軍李秀碑

唐北海太守李邕行書結字最妙 在西安華州蒲

城縣 一在順天府良鄉縣學石刻不及

金剛經

唐僧懷仁集右軍行書 在西安府鴈塔下

又有柳公權書 在興唐寺中

多心經草書

草書類懷素今秦府又翻刻作已書 佐家新舊二碑俱有

虞恭公碑

唐歐陽詢真書此詢第一筆道勁最妙世人貴尚惜
缺落過半在邠州宜祿巡檢司 惜今字碑多損缺
過半學者率先學此

懷素自序

懷素草書宋蘇舜欽補一帖後有魏良臣跋有建業

文房印 在耀州三原縣

唐羽林大將軍臧懷亮碑

李邕行書道媚圓健可愛一已工二碑俱在耀州三原縣臧氏墓上

孝經隸字

唐玄宗八分隸書註作小隸字末有御跋草書字方三四寸甚妙凡四大片碑末具列廷臣官勲

西岳華山廟碑

漢郭香察隸書在華陰縣華山廟蓋漢人碑多不書何人書漢隸書姓名者獨此帖耳

一行禪師塔碑

唐明皇御製文八分御書在灞橋東源上

搗衣篇

僧彥修草書 在西安府學中

唐三藏法師塔銘

僧建初行書

上京薦福寺碑

唐韓擇木八分書 史維則篆額 在西安府景風

街仁王寺中

十八體書

唐玄度十八體書 在西安府香城寺中

聖教序記臨本

唐褚遂良臨羲之書 在西安府同州倅廳

蘭亭詩敘臨本

褚遂良臨本後有延陵之印 在同州學中

唐贈榮州刺史碑

唐張頌行書 在三原縣北墓上

新增各處碑帖

王佐

南京 南直隸

嶧山碑 應天府學

宋李西臺處巽翻刻李斯篆書 一行三字

謙卦文辭

唐李陽水篆書 方三寸大 四扇板門 在太平

府蕪湖縣民家

瘞鶴銘

梁陶弘景真書 世傳在焦山寺山足水中今不可

得其字神妙

鎮江府今不傳詳見東觀餘論

度人經

元趙子昂小楷 宣德初鎮江府玄妙觀道士得之

土中今在丹徒縣學經後有皇慶元年春正月九日

三教弟子趙孟頫書未有元翰林學士袁桷跋其字

又小

致廣大十二大字

宋建安蔡杭書致廣大畫精微極高明道中庸凡十

二字計四碑字方尺二三寸 在鎮江府學壁上匣

石

敬齋箴

朱文公作 朱頡極隸書 在蘇州府學屏風上

又韓符讀書城南詩 在立齋

冊陽公言偃祠堂碑記

朱子作文 元趙子昂真書 在蘇州府常熟縣子遊殿前

荊山玄靜先碑

一碑銘唐顏真卿文并真書

一碑唐柳識文張從申行書李陽冰篆蓋額世人號曰三絕碑 俱在應天府句容縣茅山

第一山三大字

一在鳳陽府盱眙縣宋米芾行書其字方六七寸奇偉秀麗

一在鳳陽府龍興寺中方一尺四五寸我

太祖御書端嚴遒勁妙入神无真

宸翰非名筆可及

大字千文

皇明中書舍人新安詹孟舉真書每五行二字在蜀府者爲第一本字方四寸勁健壯麗蓋

國朝第一手也字兼顏歐虞柳雖古人亦少及之

宣德中寧國知府樂安袁旭翻刻于郡中摹手亦佳江西諸本不及遠甚後有吏部尚書豐城黃宗載跋

七姬權曆志

七姬者元潘元紹諸妾也曰程氏翟氏徐氏羅氏牛氏彭氏段氏皆妙年麗質潘赴召時恐其不守皆自經死潘合葬一塚事平請尋陽張羽銘其墓吳郡宋克以鍾字書之婁江盧熊篆蓋皆可愛也潘蓋宋魏王廷美之後其先避亂易姓而未復今蘇州府吳縣陳嗣初先生家有碑刻

乃子陳孟文

蘭亭十三跋

元宋克仲溫戲書趙子昂舟中所書蘭亭十三跋真楷行草蠅頭小書大小不一舊藏松江府華亭沈民望家正統中吉水楊政惟效以監察御史改松江推

官令善書者摸刻于郡後有訓導會稽陳賓跋 在松江府

杜甫前出塞詩九首

宋克章草九詩吳僧善啓舊藏此本摸刻于寺其字絕佳 在松江府

與俞仲幾書

宋克與俞仲幾書亦鍾字今仲幾諸孫俞珙勒于石 在松江府

送任叅政詩

解學士大紳贈叅政任冕詩二首皆公草書 在松

江府

一草書千文

吳僧訥老草書勁健可喜蓋學張旭懷素者也上有
晉陵孫仲賢跋語 宣德中寺僧得之土中凡十餘
石

歸去來辭

晉陶淵明作 元趙子昂行書二大碑

春夜宴桃李園記

唐李白作 洪武中中書舍人新安詹孟舉希原真
書字方三四寸一行兩字 俱在崑山縣

行書千文

元趙子昂行書絕佳惜碑破碎今翻刻本有僧善啓
跋 在松江府

真書千文

元鮮于樞伯機真書絕妙 在松江府

鐵佛寺鍾銘

子昂真書絕妙 在松江府鶴砂報恩懺院

寶晉齋法帖 見前

宋曹之格模刻于無為州多米芾所臨

北京 北直隸

樂教論 黃庭經

元趙文敏公臨王右軍真書小楷 俱在北京國子監

金丹

唐張平叔金丹四百字趙文敏公中楷

蘭亭敘

趙文敏公臨定武本

座位帖藁

趙文敏公臨顏魯公行草絕佳

俱在北監五碑今

亦不完

草書千文

唐僧洛陽亞栖草書得張顛筆意嘗云世徒知張之顛而不知張實非顛也又曰吾書不大不小得其中道若飛鳥出林驚蛇入草則果顛也耶千文正尔在北監

北岳恒山碑

一碑蔡邕漢隸 一碑蔡有隣唐隸 在定州曲陽縣

唐雲麾將軍碑

李邕行書 在順天府良鄉縣學

石鼓

石鼓凡十相傳為周宣王時史籀小篆歲久刻淺字多不可識非秦漢以來之人所能為也元國子司業潘迪有音訓絕刻于後今在北京國子監大成殿前門上

宣父碑

東漢蔡邕伯喈隸書 在真定府

壇山石刻

史籀篆書吉日癸巳四字相傳為周穆王時物今在真定趙州贊皇縣

韓延壽碑 順天宛平縣

慶壽寺碑

金党懷八分書最妙正統中惜為中人所毀 北京

淳于長夏承碑

漢靈帝建寧三年蔡邕八分書 在廣平府學

山東

壯觀二大字

唐李太白書今翻刻于濟寧州城南樓上外有數碑

在山東金鄉縣

之罘石刻

秦李斯王筋篆今存二十一字 在山東萊州府文登縣

唐有道先生葉公碑

李邕行書 在金鄉縣

栖霞阡表

子昂行書極佳 在金鄉縣

孔子廟諸碑

漢晉唐宋遼金元尊崇

先聖及加封諸碑 俱在關里大成殿前

孔子手植檜贊

宋米芾元章行書 古檜在孔廟杏壇東南今不存

矣惟再生一株亭亭獨立身文皆左轉如草繩纏至
稍有葉青上可愛非世上所有也佐親見之 稍尾
有葉一小叢高廣一尺許樹大僅二尺許

國朝尊崇碑

皇明尊崇孔子仍唐宋元舊王號內載正五嶽四瀆
海鎮神號字皆真字中書舍人詹孟舉筆也碑極高
大勝於前代碑遠甚

嶧山碑

秦始皇二十六年丞相李斯篆凡二碑一行十字極
古雅山本嶧縣地屬兗州府山北去鄒縣二十里古

碑經秦末之火不存今鄒縣有翻本

泰山碑

秦始皇三十六年封禪泰山立碑丞相李斯篆書今止存二十九字泰山在濟南府泰安州

孔門聖賢像

孔子廟中有聖人及弟子像 廟在兗府北曲阜南

孟子像

孟子廟在鄒縣南門外東北有父母廟兩廊祀樂正子十七人韓愈孔道輔從祀焉 歷代尊崇之碑甚多派系圖大賢碑像具列廟中惟廟西南簷下有一

石像高古信所謂泰山巖上氣像也景泰六年乙亥冬十二月佐拜大賢于廟下其東南諸石山直接嶧山皆惟石巖上蓋天地扶輿清淑之氣鍾靈毓秀于大賢亞聖也自鄒縣以南山勢環抱包裹非一重直出滕縣監利其環抱皆然至徐州洪而止後之君子其尚知之

聖賢墓石

孔子墓前石壇刻文 子思墓西石壇刻文皆漢隸字

宗聖侯碑

魏文帝封孔子二十一世孫孔羨為宗聖侯其碑曹

植子建作文乃 梁鵠書 在孔廟中

義堯廟碑

伏羲廟碑 帝堯廟碑 堯母廟碑 俱漢隸在曹

縣

周公廟碑

周公廟在魯國城外東不知何年廢矣其碑尚存

漢隸

孔子廟在魯國舊城中北 顏廟在城外東

孔林在魯城外北方廣十里 無荆棘蛙聲鳥巢

房定公墓碑 章丘

房彥謙字孝冲唐初為長昌令百姓號為慈父立碑
頌德去官不仕而清白守貧以子玄齡功追封定國
公其墓碑乃歐陽詢真書

齊太公碑

齊太公呂望碑 漢隸在汲縣

黃石公廟碑

黃石公廟碑 漢隸在東河

山西

絺帖

晉陽王府藏之本不完詳見前

漢郭有道碑

蔡邕作文隸書 在平晉縣

魏并州刺史王垣碑

隸書 在絳州

郭林宗墓碑

漢隸 在介休縣

魏車騎將軍穆祚碑

隸書 在介休縣

堯碑

帝堯廟碑 在汾水東原上

河南

汝帖

汝帖十二卷自三代秦漢至唐五代帝后群臣書

見前

邊韶墓碑

邊韶字孝先教授弟子常百餘人號五經笥漢桓帝

時大中大夫蔡邕隸書其墓碑 在開封府東北五

里

魏受禪碑 公卿上尊號碑

魏文帝受禪二碑按魏衛覬金針書世傳俱為魏梁

鵠書顏真卿辨為鍾繇書 俱在許州

老子銘

李聃世稱曰老子碑 在歸德州鹿邑縣即古亳州

太清宮

遺教經

鍾繇墓碑

鍾繇字元常潁川長社人善書初師劉德升書如飛

為戲海舞鶴遊天魏封平陽侯 在尉氏縣西北三

里蔣城鄉高蕪村 今屬中牟

劉寬碑

漢劉寬字文饒桓帝時為南陽太守溫仁多恕用蒲

鞭示辱仕至大尉靈帝中平二年立墓碑隸字 在

洛陽縣上東門

董宣廟碑

漢董宣字少平光武時為洛陽令梗直不屈得強項

之名以廉潔死賜文綬葬以大夫禮 在洛陽

洛陽橋石柱銘

洛陽橋石柱銘在建春門外雙石柱上

陳寔壇碑

漢陳寔字仲弓為大丘長其碑漢隸 在永城

荀公墓碑

漢荀淑字季和為僕射墓在長社東北七里碑在許州

漢橋玄二碑

一碑故吏司徒崔烈立 一碑隴西范罕立 在宋城

比干墓碑 封比干墓銅槃

殷比干墓碑 封比干墓銅槃 俱古篆在汲縣

桐柏淮源廟碑

漢桓帝延熹六年正月八日乙丑立隸書 在南陽

府唐縣

圉令趙君碑

漢獻帝初平元年立隸書 在南陽縣文廟中

顏母陳夫人碑

唐顏真卿文并書 在鄧州

蘭亭敘

唐褚遂良臨本 在歸德州

書錦堂記

宋歐陽文忠公為丞相韓魏公琦作蔡襄真書 在

彰德府

東書堂法帖

周府臨淳化閣帖增以宋名人法帖凡二十卷

蘭亭諸臨本序及流觴曲水圖

周府臨本

見前

有四本蘭亭記有肥本有瘦本

浙江

聖賢像贊

宋高宗御製孔子與七十二弟子像贊

在仁和縣學

又有五經石刻

未有秦檜記宣德中御史常熟吳訥

按至浙磨

去檜作而自題其後云

東嶽行宮記

元湖州總管孟淳作趙子昂行書

在長興縣

放生池碑

唐代宗大曆十二年刻顏真卿真書 在長興

七觀帖

趙子昂小楷最妙 未有元學士袁文清公楠題跋

在寧波府

蘭亭襖圖

王右軍蘭亭敘李龍眠畫流觴曲水圖後有廬陵曾

宏父考究并跋 見前在山陰

孔子廟碑 城隍廟碑

二碑俱縣令李陽篆 在縉雲

吏隱山諸石刻

李陽水遊眺之所詩文多刻于石 其山有窪尊上有四井周回四丈留題篆刻于石者甚多

黃帝祠字四大字吏隱山 鼎湖二大字仙都山

縉雲縣三大字縣門石碑 縉雲縣學四大字

縉雲縣令李陽水篆書

碧瀾

趙子昂書二大字在湖州府前公館亭上

射堂記

唐代宗大曆十二年顏真卿書 在長興縣

赤松山三大字 赤松宮三大字

北山二大字智者寺 天清天寧四大字 光孝觀

李陽水篆書于金華府

徐偃王廟碑

隸書 在蘭溪

嚴陵祠堂記

宋范文正公作嚴光祠堂記 在嚴州府桐廬縣釣

臺

岳飛像

宋忠臣鄂武穆王飛字鵬舉中興名將也廟號忠烈
改謚忠武 杭州祠中

胡安定像

胡安定先生名瑗字翼之教授蘇湖 在湖州書院
江西

示子手帖

趙文敏公行書 在臨江府學

大字千文

詹孟舉書一在布政司 一在番陽縣

誠齋二大字

宋孝宗隸書賜寶謨閣學士楊萬里 在吉水楊氏
泚塘忠節祠中

清氣二大字

文丞相書在玄潭觀雪浪閣後壁上字徑五尺 在
吉水今亡

大魁字

宋文丞相書在廬陵縣學中壁上前有魁星贊字方
一丈其堂曰進士第一之堂乃劉道存書

禮義廉恥四大字

宋張南軒書二碑 俱在廬陵縣學

太極圖說

一在南安府學 一在撫州府學

天府地理圖 魯國圖 俱撫學

朱文公明倫堂三大字 吉安府學

上帝臨汝無貳尔心

朱文公書八大字一碑字徑尺 俱在撫學

脫去凡近

朱子書四大字 在瑞州府學

四體千文

元左丞周伯溫書 在番陽

狄梁公仁傑碑

宋范仲淹作黃山谷真書 在九江彭澤縣

歷代鐘鼎彝器銘誌法帖

宋薛尚功編次凡二十卷刻于九江府使庫

醉翁亭記

宋歐陽文忠公作蘇文忠公行書字徑三四寸四碑
在吉安府學明倫堂上

孔顏像贊

元顏輝筆大小二碑 在吉安府學大成殿上
孝經

小字真楷 今不完不知何人書在吉安府學
歸去來辭

一碑蘇東坡行書 在南康 一碑黃山谷行書

歸田賦

元趙文敏公行書 在臨江府學

瀧江阡表

宋歐陽文忠公自作不載何人書疑公自書 在永

豐

多心經

在吉水清涼寺不知何人臨本

戲魚堂法帖

劉次莊以淳化閣帖十卷刻於臨江府題曰戲魚堂
法帖

今不完無有知者正統初佐歸省見人以碑貼路
俾訓導杜思濟收拾在臨江府

玉枕蘭亭

方四五寸蠅頭小楷以蘭亭舊本縮細字行如故

戴叔倫遺愛碑

在江西撫州府

月儀帖

月儀自正月至十二月止凡二碑俱章草在臨江府學

湖廣

摩崖碑

唐元結作大唐中興頌顏真卿真書于浯溪崖上字稍大

易繫卦說辭

朱子書自易有太極是生兩儀兩儀生四象四象生

八卦

是故易逆數也未有朱熹書蔡元定刻

左考是書在宋乾道間書孔子易繫辭說卦三節凡八碑在明倫堂東壁依堂壁逆行至

國朝正統三年戊午歷年二百五十舊刻漫滅知府周鼎重刻刊正順行教授廬陵劉慶有跋

岳麓寺碑

李邕行書字徑寸 衡山之麓

城南書院四大字 長沙府臨湘門

宋張南軒講學之所 張紫微得意之書

格古要論 卷之三
乾坤清氣四

松軒書 方五尺 道州

拙賦 二碑濂溪在春陵郡西十八里

周子作 浚儀向子廓隸書 宋淳熙戊申趙師俠

刻于郡丞廳後有跋 碑在周拙堂

太極圖說

周子作太極圖發前聖所未發自二程沒後其義難明至于朱子始發明圖說而後之學者始習聞其義

道州

濼尊銘

唐元結作銘顏真卿書在道州城外湖東報恩寺西二十步有小石山上顛有窠穴可為尊刻銘其上張浮休又刻石于郴州江畔

陽華巖銘

元結次山作銘邑令崔令問以雜體篆刻之崖上

道州東南七里山下

碧虛洞三大字

一名嘉魚洞元結改曰無為洞篆刻在焉唐德宗貞元間李嶠名巨山官鳳閣舍人寫臺侍郎中書令有

篆額 道州未福

十六

秀山斗門四

宋龔穎為常德太守篆此四字劉海蟾遊斗門曰此秀水乃武陵郡一條玉帶也 又有玉帶河三大字在武陵辰溪西

義井銘

井在舜子巷漢靈帝光和三年隸相傳為秦碑 隨州漢東關下

峴山碑

晉羊祐字叔子鎮襄陽嘗與從事鄒湛同登峴山慨然浩歎與元凱相繼平吳元凱功銘二石一置

峴山之上投漢水之濱是知陵谷有變而不知石有時而磨滅也蓋元凱以其功叔子以其仁叔子卒襄人建廟立碑于峴山上望者流涕杜預名曰墮淚碑叔子官至尚書僕射南陽太守續之孫上黨太守衛之子中郎蔡邕之外孫也嘗守襄陽

陰符經

潭帖

福建

千字文

元吳志淳隸書

卷之三

三

出師頌

梁蕭子雲章草 虎都魯沙仲威摸刻 在福州府學

玉枕蘭亭

小楷 在福州府學

光風霽月四大字

朱子書于江西白鹿洞福州摸刻

畊雲釣月四大字

朱子書

讀書二大字

朱子書與劉礪刻于方安里三寶山石 在長樂縣

容膝 天光雲影

朱子書于雲谷

帝王聖賢將相像

三皇五帝禹湯文武項羽漢高文景光武蜀漢昭烈

魏太祖吳大帝晉司馬宣王懿東晉元帝南朝宋武

帝廢帝子業宣帝齊高帝梁武帝昭明太子陳武帝

隨文帝唐高祖太宗武則天玄宗憲宗宣宗南唐李

後主宋太祖仁宗高宗寧宗孝宗閔王審知倉頡稷

契臯陶伊尹傳說太公周公老子孔子屈原漢張良

董仲舒東方朔司馬遷 雄晉王羲之謝靈運

陶淵明南朝宋檀

子唐房玄齡杜如晦

李靖李勣尉遲敬德妙崇宋璟狄仁傑郭子儀顏真卿李白杜甫韓愈柳宗元白居易孟郊賈島宋包拯歐陽脩蘇軾周子程子明道伊川邵雍張載司馬光張敬夫朱子黃山谷楊龜山蔡西山蔡九峯劉雲莊呂東萊真西山元許魯齋

右自伏羲至元許衡凡一百一人上下三千七百年間曰皇曰帝曰王曰聖曰賢曰相曰將其揖讓授受仁厚恭儉僭竊邪正殘暴荒淫一覽而盡得之此本三皇至孔子原在城都魯恭墓前石室中

餘則見於廬山元住后山玉林居士合而刻之于廬峯書院閩中張士賢敘之詳矣 王佐謹識

廣東

漢桂陽太守功勳碑

漢隸

樂昌縣

唐韓文公廟碑

宋蘇東坡文并真書字徑寸

天涯海角亭碑

廣西

羅池廟碑

唐柳子厚祠 韓人

宋蘇東坡真書

九疑山碑

漢蔡邕文并隸書

四川

益州周公禮殿記

漢隸

成都府

千祿字書

唐顏元孫作

顏真卿書小楷

潼川州

梁武祠堂畫像

伏羲至孔子七十二弟子

石室畫像

三皇至孔子七十二弟子凡一百人

太守張恢立

在漢魯恭墓前石室四壁上

後有跋

千字文

蜀府石本

元趙子昂書大者方一尺石碑小者方

四寸木碑

又有詹孟舉書推為第一

書法要覽

蜀府長史泰和劉仲珩真書洪熙己巳七月刻石

新增格古要論卷

格古要論

卷之三

雜子與言
卷之三



書